

YÜNGA NGÜ 26

1. Kpara ta te to roto fu Pharaoh ta de da?

-Me.

2. Gina roto ta te me to fu Pharaoh ni ta baye?

-Wu makuru yiti menewa zu ta wu ma'bo yiti menewa.

3. 'Bosu roto ta te me to fu Pharaoh ta baye?

-Wu njo ndo te wu kuru akuru menewa zufa njo ndo te wu 'bo a'bo menewa.

4. Kpara te mere ta de Yosefa wu gbi roto ka Pharaoh ne da?

-Me.

5. Gbi wu roto ka Pharaoh la ta baye?

-Gbu ta guba, wu re ka tala menewa ena zufa wu re menewa ka ma zu e.

6. Me ti kpa eyi a gutomu ngu fu wu kpara te wu le ungu de?

-Wayi.

7. Me mere ta roto te Yosefa roto ta o ungu la mbarese ni fa amere teyi bayi?

-Me o ta Yosefa di miri fu Egypt 'buru.

8. Yosefa za ta wu kpara kaye 'buru gbu Egypt tengu ne?

-Angu angu emgbu ta agbu Egypt.

9. Tengü wu e mazu ta gbe agbu Egypt.

-Ta te wu Jacob de wu kpara kaye enu agbu Egypt ni wu ta 'buru 70.

Ni Tanga La Gogo 1:1-5

- 1-Dene iri wu kpara ka Israel ta te wu nu de wu Jacob agbu Egypt wu'buru de wu kpara kawu.
- 2-Rubben, Simeon, Levi ake Judah;
- 3-Issachar, Zebulun ake Benjamin:
- 4-Dan ake Naphtali; Gad ake Asher
- 5-wu kundu ye Jacob ta 'buru 70: Yosefa ndayi ta eyi agbu Egypt.

-To iri ta ti me to fu Jacob ta de da?

-Israel.

-Wu kundu ye Abraham de wu Isaac de wu Jacob wu e uwu ta 'buru wu Israel.

-Jacob ake engu ye Yosefa, ake wu engu nuyi de wu kpara kaye mgbu ta agbu Egypt de bi wu re.

-Fu tanga ta te tala nja ni wu Yosefa nye ta fubi amgbu kpala.

-Ta te wo wu kpi ne wu mgbu ta la fibi agbu Egypt kpala.

-Fu wu Yosefa de wu engu niye ta akpi 'buru, wu Israel nye ta fi gbu Egypt la.

Ni Tanga La Gogo 1:6

6-Fu wu Yosefa ta akpi de wu kpara kaye de wu kpara gbu nguwa la 'buru.

-Tengu wu Israel du ta gbu to ka Canaan de, wu nye ta agbu Egypt de bi wu re ne, fu uwu ta akoro gbe.

Ni Tana La Gogo 1:7

7-Fu wu Israel ta a bi jeji fu uwu ta akoro gbe, fu uwu ta asi su 'buru.

-Fu tanga wu bi re, fu miri ka Egypt Pharaoh ta akpiye.

-Fu to Pharaoh ta aza da Pharaoh te kpi ne.

- To Pharaoh ni ta zuka kpara baka di diri ni nda de.
- To Pharaoh ni kaye ta siti kpara.

Ni Tanga La Gogo 1:8-11

8-Fu to miri ta te wu ngu te ka Yosefa de akoro de miri ka Egypt.

9-“Chika la” fa ta amala fu wu kpara kaye guba, “wu Israel koro sine eyi gbe afasu.

10-Koro de ni mere uwu de mani te abala de wuna fa ni te gu koro la wuna biti tuwu de wu azi gu ni fu uwu amere gu deni fu uwu akpe atafa ache to ne.

11-Fu uwu to a o mere kpara futanga uwu de a mere uwu esiti, a o uwu amere wu tima ka miri ‘buru, afa kambu fefe esato areke mere kafa teka wu e’buru ka to la.

- To Pharaoh ni mere ta de wu kpara ka Israel baye?
- A o ta uwu ‘buru baka wu kpara ka tima la.

- Pharaoh o ta uwu baka wu kpara ka tima tengune?
- Akpet ta churu ga wu Israel enaza to keni.

- Pharaoh ekpe ta churu ga wu israel ena za to ka eni tengu ne?
- Tengu wu ta eyi gbe.

- Kpara ta te o Pharaoh amere wu Israel baka wu kpara ka tima ta de da?
- Satana.

-Satana ele ta asiti wu Israel tengu ne?

-Tengu Satana wu ta kpo guba me ta mina ta a tima muru kuwa agbu nguwa wu Israel.

- Satana le me ndo de.
- Satana le wu kpara ‘buru de.

-Satana le ta de wu tima muru kuwa la gbu nguwa wu Israel de.

-Satana le ta de muru kuwa koro teka akuwa wu kpara de.

-Satana le yi 'buru de.

-Satana le deyi je ri me de.

-Satana le deyi nu 'buru gbu mere wa tedi fi badi.

-Satana le ndaye ta asiti wu kpara ka Israel 'buru fu me ta a fowo uwu.

-Ta te Satana le ndaye asiti wu kpara ka Israel ne fu me ta ato matu fu uwu.

-Me to ta maku fu wu kpara ka Israel tengu ne?

-Tengu me le ta wu kpara ka Israel.

-Tengu me ti ta asiti reke ngu kaye ta te ungu reke ake Abraham ake Isaac ake Jacob ni de.

Ni Tanga La gogo 1:12-14

12-Baka ta te wu kpara ka Egypt embusa wu Israel, nguwa uwu ta ega enu bi engegira nu: Fu wu kpara ka Egypt ta atona akpe churu wu kpara ka Israel.

13-Fu uwu ta a mbusa uwu de wu mere tima.

14-Wu tima ta te uwu mere gbu ye de a fa tubu ni emere riri ta fu uwu kpa mbi; gbu wu tima 'buru ta te wu mere agbu Egypt ne, wu mere ta uwu 'buru sisiti.

-Baka ta te Pharaoh e mere wu kpara ka Israel esitini, me ndeyi ta kpa eto maku fu uwu.

-Fu Satana ta ato gara siti finga ngu fu Pharaoh.

Ni Tanga La Gogo 1:15-22

15-Fu Pharaoh ta amala fu wu Shiphrah aki Puah wu werese te wu le ngu te wu werese te wu eza yaka ga ne.

16-“Te yi ele ngu te wu werese ka Hebrew ia, te mbarese ma’da ye komoko la, yi moro ungu asidi le a de ye werese la, fu yi a che.”

17-Tengu wu werese la kpe ta churu me, wu mere ta baka eti Pharaoh mala ni de wu che ta kpa de wu jeji komoko kuwa.

18-Fu miri ka Egypt ta a e wu werese ayika uwu ga, “yi mere bala ne tengu ne? Yi che wu jeji komoko tengu ne?”

19-Fu uwu ta a lugu ngu fu Pharaoh gu ba, “wu werese ka Hebrew ba wu nda wu Egypt ndawu de; wu kowu de wazi wu wu yaka o akoro la de.”

20-Me emere ta zuka ngu fu wu werese la fu wu kpara ka Hebrew ta aga anu bi engegira nu.

21-Tengu wu werese la kpe ta churu me ne fu me ta ato kiti de wu kpara ka uwu.

22-Fu Pharaoh ta amala fu wu kpara kaye guba, “Te wu yaka jeji komoko eyi la, wu so uwu agbu ngu, de yi che bi wu jeji werese.”

-Siti fi nga ngu ta te Satana to fu Pharaoh la baye?

-Satana mala fu Pharaoh ga amala ga wu moro jejei komoko ‘buru ka wu Israel.

-Me wu ta kpo guba Satana reke ngu eyi teka a siti wu kpara ka Israel?

-Wayi.

-Me ti ta eyi a chede Satana siti wu kpara ka Isreal?

-Abala de.

-Me cheka ta nga de ebanda wu kpara ka Israel.

-Fu me ta areke ngu teka adu de wu kpara ka Israel agbu to ka Canaan.

-Me reke ta ngu teka aza wu kpara ka Israel agbu Egypt sidi adu de ewu agbu to ka Canaan etu komoko de iri ye Moses.

-Dene ngu teka Moses:

Ni Tanga La Gogo2:1-4

- 1-Fu kpara gu nguwa Levi ta aza werese ka Leviti,
- 2-fu mgbu tade buye fa yaka jeji komoko, ta te ungu cheka ga a ta zuka mbarese fa ta awo ungu de fe bata.
- 3-Ta te ungu ti awo ungu emi eyi de ni, fa ta a o ungu a gbu baga a o ungu mareke de, fa ta a o ungu edere ungu.
- 4-Fu engu nina ta aro nengete a cheka e te ena mere fefe.

-Woe Moses ake Ni na wu ta me kpo.

-Woe Moses ake Nina wu ta kpo ga me ena banda mbarase ka uwu.

-Fu me ta ato finga gu fu uwu de ga wu o mbarase la gbu baga a o ungu agbu ngu ka Nile.

-Me banda ta mbarase ka uwu Moses eyi?

Ni Tanga La Gogo 2:5-10

5-Tangase ka Pharaoh nuta azuru kuteye gbu biri, wu kpara te le ngu tete ta amgbu ndoro ede biri. Fa ta a chkea baga agbu gu ede biri fua tima wu kpara ka tima kaye teka aza baga ma'da.

6-Fu ungu ta a u fa maka jeji mgbugbu, ata akugba fu chinga ta amere ungu tengu mbarese ne. "Dene mbarese ka wu Hebrew ni.

7-fu engu ni mbarase ne ta ayi ta tamgbase ka Pharaoh ni ga, "ma nu ma koro de werese kawu Hebrew de a cheka nga mbarese ni fu mu?"

8-"Fa mala ga, wayi nunu" fu jeji werese ni ta anu akoro de yi mbarase ni.

9-Fu tamgbase ka Pharaoh ta amala fu werese ni ga, "za mbarase ni de mi cheka nga nga fere, mana to se fumu." Fu werese ne ta aza mbarase ni a ga ungu fefe.

10-Ta te mbarase ne ga sini eyi ne, fu ungu aza mbarase ne fu tamgbase ka Pharaoh, fa ta akoro mbarase kaka. Fa ta agu iiri Moses, fra mala ga, "ma za ungu gbu ngu."

-Me time ta tamgbase ka siti Pharaoh de ungu banda Moses.

-Me tima ta tamgbase ka siti Pharaoh de ungu ga Moses.

-Fu Moses ta amgbu de tamgbase ka Pharaoh ake Pharaoh.

-Me tima ta tamgbase ka Pharaoh de a ga Moses tengu ne?

-Tengu me le ta de Moses kusa wu kpara ka Israel agbu Egypt sidi.

-Tengu me le ta de Moses kusa wu kpara ka Israel ka chinga ta te wu maka aggu Egypt sidi.

-Me wu ta kpo ga e ti amere Moses gba Pharaoh de.

-Me wu ta kpa ga Moses ena wu da tanga ngu de ake ngu gba Pharaoh.

-Me wu ta kpo guba Moses ena wu da bi wu e te ena wunda ungu akoro de wu kp0ara ka Israel agbu Egypt sidi agba Pharaoh.

-Pharaoh le ta asiti wu kpara ka Israel, me le nde ye ta a banda uwu.

-Wu kpara ti eyi asiti tima ka me?

-Abala de.

-Satana de wu Dayemona kaye le ta asiti wu kpara Israel, fu me ta a banda uwu.

-Wu Dayemona ti eyi asiti tima ka me?

-Abalade.

-Satana ti eyi asiti tima ka me?

-Abala de.

-Me de wazi 'buru.

-Me banda ta wu kpara ka Israel, ana banda wu kpara 'buru te uwu le ngu ngu.

-Moses ga ta gba Pharaoh fa aga akoro de mere komoko.

-Gbu gara ra fu Moses ta anu a achika chinga wu kpara ka Israel te wu mbu ta ka tima.

Ni Tanga La Gogo 2:11-14

11-Ta te Moses ga eyi ne, fu Moses ta anu teka achika wu kpara kaye de achika chinga te wu maka de amere tima. Fa ta achika gara kpara ka Egypt te mi kpara ka Hebrew kpara kaka.

12-Fa chika kpi edeyi 'buru kpara ta ma fa moro kpara ka Egypt ne fa wo kokona gbu to.

13-Gbu gara ra fu ungu amaka wu kpara ka Hebrew de emere gu. Fa ta ayi ta ungu te asere siti ngu meye ne ga, "mu mi enga numu de Hebrew tengune?"

14-Fu komoko ne amala guba, "kpara te o mu de miri fu ni de da? Mu za amoro ra baka ta te mu moro kpara ka Egypt ne? Fu churu ta amere Moses fa afi guba. "Wuna wu e ta te ma mere ne."

-Wu kpara ka Israel ti ta eyi a fowo tewu ka Pharaoh?

-Abala de.

-Moses le ta a kowo wu Israel eska Pharaoh, fa ta amoro kpara ka Egypt borogbo.

-Fu Pharaoh ta awu ga Moses moro ta kpara ka Egypt.

-Pharaoh mere ta ne ene?

Ni Tanga La Gogo 2:15

15-Ta te Pharaoh je ngu la, ale ta eyi amoro Moses, fu Moses ta a kpe amgbu agbu Midian.

-Fu Pharaoh ta awu ga Moses moro ta kpara ka Egypt.

-Pharaoh le ta eyi amoro Moses.

-Fu Moses a kpe churu, fu ungu akpe.

-Moses kpe ta agbu to kawu Midian.

-Moses ti ta eyi a fowo wu kpara ka Israel ka Pharaoh?

-Abala de.

-Moses le ta a fowo wu kpara ka Israel ka Pharaoh amba ati ta de.

-Kpara ta te ti a fowo wu kpara ka Israel esaka Pharaoh de da?

-Ade me.

-Kpara te ti eyi a fowo wu kpara ka Satana de da?

-Ade me.

-Satana zoro wu kpara 'buru eyi baka eta te Pharaoh zoro wu kpara ka Israel ne.

-Wu kpara 'buru ti a fowo tewu ka Satana de, baka etate wu kpara ka Israel ti a fowo te wu ka Pharaoh de ne.

-Gara kpara ti afowo ni ka Satana de baka eta Moses ti a fowo wu kpara ka Israel eska Pharaoh de ne.

-Me ti a fowo wu kpara 'buru ka Satana bu meye, baka ta e ngu fowo wu kpara ka Israel ka Pharaoh ne.

-Ni na atanga ngu teka Moses engegira nu.